

Vajtswv tej lus txhua lo puavleej yog Vajtswv tshoov neeg lub siab kom neeg sau. Tej lus ntawd qhia neeg paub qhovtseeb, qhuab ntuas tus ua txhaum, pab tau tus neeg txhaum los ua neeg ncaincees, thiab cobqhia tej neeg nyias paub ua nyias lub neej, kom tus uas ua Vajtswv txoj haujlwm paub txhij, thiab txawj ua ib puas tsav yam haujlwm zoo. (II Timantes 3:14-17)

369

VAJTSWV 10 NQI KEVCAI

Tej lus uas yuav hais no yog Vajtswv tej lus, nws hais li no hais tias,

Kuv yog tus TSWV, nej tus Vajtswv uas coj nej tawm hauv lyiv tebchaws los kom nej dim txojkev ua luag cevqhev.

Nej yuav tsum pe kuv tib leeg xwb tsis txhob pe ib tug timtswv twg. Nej tsis txhob paub nlom rau nej pe, tsis hais tej nlom zoo li ib yam dabtsi twg saum nruabntug los yog, hauv ntiajteb no los yog, puag hauv nruab tivtxwv los yog.

Nej tsis txhob pe ib tug nlom twg hlo li, rau qhov kuv yog tus TSWV nej tus Vajtswv. Kuv khib nej, kuv rau txim rau cov neeg uas ntxub kuv, thiab rau rau lawv tej xeebleej xeebntxwv mus txog peb plaub tiam neeg.

Tiamsis kuv hlub cov neeg uas muab siab npuab kuv, thiab coj raws li kuv txoj kevcai ib tiam dhau ib tiam mus txog ntau txhiab tiam neeg.

Nej tsis txhob muab kuv lub npe coj mus xyav ua si, rau qhov kuv yuav rau txim rau cov neeg uas coj kuv lub npe mus hais ua dog ua dig.

Nej yuav tsum saib hnuabcaiv ua kuv hnuab tseemceeb. Nej yuav tsum ua nej tej haujlwm rau hnuab xwb. Tiamsis hnuab xya yog hnuabcaiv uas yog kuv hnuab.

Hnuab ntawd nej thiab nej tej tub tej ntxhais, tej tubmab tubqhe, tej tsiajtxhu, thiab lwm haivneeg uas nyob hauv nej zej nej zos, sawvdaws yuav tsum so tagnrho huv tibi tsis txhob ua ib yam haujlwm dabtsi li.

Tus TSWV hais tias, kuv tsim ntuj tsim teb, tsim dej hiavtxwv, thiab tsim ib puas tsav yam uas muaj nyob saum nruab ntug, saum nruab nqhuab thiab hauv nruab deg rau hnuab, tiamsis hnuab xya kuv so, kuv foom koobhmoov rau hnuab xya thiab teeb cia ua kuv hnuab.

Nej yuav tsum hwm nej niam nej txiv, nej thiaj yuav muaj sia nrog luag ua neej nyob ntev hauv lub tebchaws uas kuv muab pub rau nej nyob.

Nej tsis txhob tua neeg.

Nej tsis txhob deev luag poj luag txiv.

Nej tsis txhob ua tubsab tubnyiag.

Nej tsis txhob ua timkhawv tsis tseeb nkaug tej neeg zejzrog rau leejtwg.